



05076

道光乙酉

荔園詩續鈔

益愚小築雕

自戊寅至甲申詩凡四卷



余自乾隆辛卯迄嘉慶丁丑之詩朱紫闕  
七年又得若干首名修俟編蓋言戢影田廬惟有安貧  
樂道乘化歸盡而已錄置案頭聊以自娛朱誦清小歐  
兩昆季見之愛其神似佗山唵誦不釋手固請續鐫因  
酌芟其半而授之用志知己之感云道光五年乙酉季  
春荔園張駿自序

荔園詩續鈔

自序

荔園先生詩清和雅健無浮豔無俗韻情之所至窈然以淡卽事書懷足資觀感而榮所尤服膺者年登大耄猶念念不忘親如八十自壽詩慈縫兩袖鍼痕在嚴示千行墨瀋存猶期膝下承歡去未識冥間益算無等句皆從至情至性中自然流露讀之令人下淚此豈求工于語言文字閒者所能彷彿耶謹題一律以志欽佩併以告世之務詞華而忘根本者

高詠無凡豔時時見性根那知今耄耄猶戀昔晨昏  
粥悲先澤衣冠迸淚痕  
蓼我何可廢細與少年論

陽湖幼心弟呂榮題

荔園詩續鈔

題詞

一

荔園先生年八十有五而精神之團結才思之發揚雖  
百少年不及蓋其所爲詩文一本性靈而充以眞實學  
力故能精神至老不衰才思與年俱進以視世之壯盛  
蜚聲晚年歎江淹才盡者相去奚啻逕庭也謹附題贈  
詩二章錄呈正之

行藏作息總超然全副精神本性天傾倒世閒題柱客  
招攜海上泛槎仙詩篇漫與仍愁鳥經史紛陳尙集鱸  
矯俗直鉤垂更永長礮谿叟已三年

道光五年乙酉花朝日愚弟呂榮頓首再題

荔園詩續鈔

題詞

二

荔園詩續鈔卷

戊寅 修侯 銓

讀太史公自序



海昌張駿信裳



微言緒欲墜應瑞白麟出天生司馬遷遠紹春秋筆是時董江都天人學素習經緯百萬言難與紀事匹拳拳抱孤忠救友實救國寃哉沮貳師一旦下蠶室其贖六百鏹舊交孰爲力漢室待功臣立法本峻刻廷尉值張湯況復工羅織爲友捐此軀九死無怨色所惜文采淹纍囚且著述作序以自鳴皦然揭白日立言垂不朽百世食其德何事雖黃口紛紛議得失展卷對孤檠一讀荔園詩續鈔 卷一 一

三太息

汪孝女歌 并序

秀庠汪小坡女芳姑父疾革日夜哭禱願代父死已而父果愈姑病一如其父瀕危父泣而問之曰兒悔否姑曰幸得代矣夫何悔遂瞑而逝余奇其事爲之作歌

朝焚香暮點燭泥首庭前向天哭皇天鑒此衷破格許所祝女哭父病起父哭女竟死古來孝感未聞此曾讀曹娥碑投江尋父尸捐軀殉父父不活追歡泉下空相隨今也代死父克生芳姑快然志竟成此去瑤池侍玉

母不死之藥般般有玉液瓊漿冰桃雪藕夢裏攜來爲  
父壽不願生生世世爲父女但願今生父與偕俚耦

橄欖

紅鹽糝處落高枝閩海籠歸品絕奇縱與嬋娟同美號

一名南威卻于醉飽進良規又名諫果生津滿頰回甘後吹氣如

蘭對語時賺得鐙前兒女笑銀花火樹放參差以核實燭上能

吐花

題梁仙查絡伴圖 并序

仙查得一舊照伉儷紡讀後有諸人彷彿其意各

贈一幅以畫題畫名曰伴絡仙查易名絡伴借

荔園詩續鈔

卷一

二

爲已照屬余題之

衆峯環翠霜葉紫茅屋數間秋似水中有偕隱者二人

一讀一紡興壘壘欸題約畧畱姓名三竺髯民耦沈氏

披圖想必煙霞客名畫紛紛綴圖尾仙查得之喜欲顛

卻嫌命題未盡美伴絡乃以士媿婦絡伴方見婦依土

點鐵作金手改之夫爲妻綱家正矣自揣境遇適相肖

非指喻指寧非指以畫題畫超古今以身替身忘彼此

君家世德本齊脣紡讀而外無他技鐙影煌煌卷軸中

簾聲軋軋咿唔裏閨中之友樂莫樂誦聲直到雞聲起

借人杯酒澆魂壘不但貌似神亦似世間惟俗最難醫

紅袖添香素所恥我聞耿介陸清獻作宦依然治絲枲  
他年攜眷赴冰衙紡具伴書壓行李

失足園池瀕危遇拯口占自慰

我豈清流輩如何付濁流臨池騎瞎馬拍浪狎浮鷗呵  
護教援手沈迷竟出頭餘生眞萬幸違惜木棉裘

輓俞潛山

思謙 二首

八十年來步若馳道逢親友話新奇世情古處誰能及  
門祚中衰遂不支淚落千行投杖後

令嗣蓮石  
去歲辭世

創淡一

跌下堂時

潛山去歲一  
蹶不復出門

孫曹此夕拈香送可有淒涼囑

付遺

荔園詩續鈔

卷一

三

等身著述有遺編不但海潮說一篇文運興衰關闔邑

宗風凋喪竟連年

自乙亥歲迄今亦  
政堂連遭五喪

師恩未了山邱感

謂松靄  
夫子

友誼難忘翰墨緣臥雪寒窗驚坐起

時小恙臥  
牀聞計

那堪和淚寫唫箋

同人分詠竹林七賢得王戎

晉祚際元康乾綱隳賈后植黨遍權門紛紛廿四友偉  
哉王安豐垂紳立朝右眼光爛如電燭姦夫何有貪墨  
性無厭水碓極千畝持籌復握算一李等瓊玖遺悞及  
蒼生直與夷甫耦厠之竹林中無乃愧牛後猶賴善居  
喪死孝可節取誰能論古人臧否不置口

子藍倩工爲余寫真神氣宛肖喜賦

頽唐已屆杖朝期  
禿盡霜毛剩雪髭  
浪跡竟同鴻印爪  
逃名焉用豹畱皮  
重煩下筆開生面  
儘有披圖認舊知  
恠底添毫眞欲活  
張顛恰遇虎頭癡

白桃花

經年不到武陵源  
一片茫茫別有村  
欲爲劉郎重換骨  
那知倩女早離魂  
杏無可鬧爭春意  
梨亦相憐借粉痕  
幾輩紅塵甘墮落  
笑他桃葉與桃根

示鶴瑞孫

小同才六歲

孫與余手紋皆兩撇故用鄭康成事

嬉戲畫堂前  
指日看渠

荔園詩續鈔

卷一

四

長祈天假我年  
圖書翻歷亂  
衣履愛新鮮  
莫喚餽簫過  
囊中乏一錢

晴窗課文示梁聲大

以銜

白雨森森似銀竹  
乳燕停翻鳩婦哭  
匝月以來鬱不開  
映窗聊把陳編讀  
今晨忽聽鵲聲乾  
起來旭日紅團團  
捲簾撲撲送香氣  
數莖含露新開蘭  
此時煩襟盪若掃  
下筆淋漓快脫藁  
行吟庭畔披春風  
此樂何來不知老  
少年輕易拋光陰  
惜哉如土揮黃金  
孔顏之樂渺何處

回頭試向書中尋

將歸口占

頭腦冬烘屈八旬生涯自笑尙依人文如酒到甜斯下  
夢似棋無局不新倚杖聊看今夜月摘蔬難忘故園春  
一甌飽挂西風裏剛及檐頭插柳辰

吳素江

景潮

與淑配張琴慧聯詠謝琴寄示題卷

後

春月色勝秋明

用蘇長公王夫人事

松風堂上清復清不是彈聲

卽詠聲是誰清福修到此延陵家有兩仙子揮金購得  
一張琴五百年來琴不死君擅琴心抱詩骨聞中良友  
亦雙絕陌上看花緩緩歸對飲百杯腸忽熱此時一唱  
更三歎商聲變徵淒以切佳兒拍銅斗侍婢焚香屑彷彿  
荔園詩續鈔 卷一 五

佛魂歸見文節我輩襟期貴磊落慨當以慷哀亦樂況  
乃佳話夢芝芙傳向藝林盡歡躍雅不喜相如貧典鶴  
鶴裘雅不喜太尉富酌羔羊酒臨風把卷一長嘯此樂  
羨君誰得有

放歌

有錢食肉無啖蔬晴時出遊雨讀書人言事每不如意  
我本無意何必如死生一笑況其餘仰視浮雲過太虛

衰年

今年衰較去年衰閉置依然一董帷面目安能畱本色  
文章自愧不時宜閒翻破卷看成敗偶對殘花感別離

差喜傳來消息好塗鴉近已教孫兒

得蔡古香

廷弼

書知其蘭谿解任賦此寄慰

男兒生不能窺中秘書又不能紀績狼居胥昂藏八尺  
兩鬢禿頭啣強附東魯儒公堂聽報三通鼓冠蓋一一  
府中趨冷官手版出最晚饑腸百轉沈陽烏文章自愧  
不羣國我已長揖歸田廬君年與我正相若猶思晉秩  
收桑榆一朝咄咄書惟事破甑回顧何爲乎餘不谿水  
清且淺中有尺半紅腮鱸婚嫁之債亦將了濟勝之具  
何嘗無何時相約傾一壺笑把窮愁擲太虛

古香詩集  
名太虛存

荔園詩續鈔

卷一

六

秋夜不寐有懷陳景陶

淵明

病中

海水如添漏滴遲最無聊賴五更時驚秋枕畔蒲葵冷  
話舊鐙前蟋蟀知昨固覺非今豈是壯雖努力老猶悲  
料應臥病清漳客消遣愁懷亦有詩

和景陶病中乞人生輓詩二首

蓋棺論定似嫌遲生輓催人亦太癡我把今朝當除夕  
一杯米汁祭君詩

牀褥沈迷閱兩年試噫今日似昇仙金蟬頓向淤泥蛻  
從此飛鳴屬後天

景陶病愈喜賦

二豎纏絲一笑空入門佳氣鬱恩恩積勞少婦才安寢  
薄技庸醫欲冒功縱使口饑寧節食休誇腰健便臨風  
自慙持贈無他物珍重情縑半紙中

禽言五首

鵲鳴鵲鳴逐婦出窠日日雨滂沱聚少離別多不知婦  
去幾時返嗥殺新雛悔已晚

號寒蟲遇春風五采陸離毛羽豐忘卻舊時體會裸聲  
聲鳳凰不如我如不如誰得知未經眼見任爾欺

紫山看火勸勿懶惰蠶妾聽來嫌碎瑣蠶歷三眠儂不  
眠看到上簇聊偷閒東南風起暖于炭任他作繭何須

荔園詩續鈔

卷一

七

看

婆餅焦鳴樹梢小兒待哺聲嗷嗷老兒聞之心焦勞去  
年麥熟多五斗今年顆粒何曾有饑來畫餅充爾口  
架犁架犁曉起耕田暮未歸老翁嚙嚙責兒嬉他日嗥  
饑將告誰兒言估客樂不耕屨梁肉翁聞此言發大噓  
爾有此夢無此福

年來看書苦健忘得意句輒錄之

西家愚豈等錢愚暮覽晨披儘自娛天上原無仙懵懂  
路旁卻有鬼挪揄偷閒且飲澆書酒健忘須憑記事珠  
倘得蹉跎將壽補倩人還寫課孫圖

目翳

老夫衰態近尤增阿堵中疑有物侵對月如遮雲澹澹  
看花似隔霧淡淡也知空際無非色只恐盲來漸到心  
一笑糊塗諸事了呼兒且把酒頻斟

秋闈後處州門生葉遷之

斯藻

乘風

雲蛟

呂叶六

亦調

何宗儒

學泗

過訪喜贈

故人久不見瞥見如夢寐一揖未及語喜極反下淚昔  
別未抱孫孫生今六歲束髮出見客解呼婢掃地坐定  
各慰勞情同至親誼安能片刻間訴盡七年事訪舊熱  
中腸驚聞某某逝勸我猶矍鑠盍再就銓次且言報師

荔園詩續鈔

卷一

八

恩今昔無異致感激謝故人豈不聞毛義吾母長已矣  
祿養難比例草草具山肴仍此菽盤味蕃榻亦既設苦  
畱一夕憩柰何再三辭令我增離思所幸奪命文摘髭  
良易易滿酌一杯酒先期賀得意沈沈漏響催暗暗燭  
花墜量淺學鯨吞客醉主亦醉豈真飲興豪醉中忘分  
袂

秋杪憎蚊

飛而食肉毒何如豹腳畱名果不虛遺種夏蟲今尚在  
過時秋扇那能祛恠他鑽刺心偏巧顧我彌縫計總疎  
久矣繩牀成獨宿怎堪通昔作鰥魚

偶感寄漱園

昨夜夢友至今晨聞扣門披衣出見友一笑夢何靈各  
各道濶疎童穉亦相親逡巡畱一飯草具見率真晚來  
送客去茫茫前路塵回視杯盤空仍作夢中人向之所  
欣者俯仰迹已陳人生一大夢萬事如浮雲夢友固然  
假見友亦非真今生且泡影何論前後因質之俞秀老  
當必云我云

題俞子雲

克佑醉吟圖

詩腸得酒芒角生酒膽得詩鏗鏘鳴吾儕寄興偶出此  
何嘗沈湎如劉伶君家珥貂傳七葉處膏不潤揚清名  
荔園詩續鈔 卷一 九

椿庭舊雨諸侯客

謂尊甫蓮石先生

斗酒百篇今太白手摘華

星當酒錢胸蟠雲彩作詩客兒女梨樽設餞筵紅菴閣  
下唵團圓

見紅菴閣詩畧

君子昆季露頭角父書滿架日勤讀

有時痛飲讀離騷濁酒傾殘一百瓢有時痛飲讀漢書  
濁酒傾殘一百壺文章醞釀爲麴蘖瀏亮歌聲出金石  
丈夫何事憂長貧一字一珠直千緡他時晏罷曲江曲  
酡顏猶識圖中人

和朱鯉舫

二銘表第四憎詩

天地貴人而賤物迥若塵凡與仙佛以物養人于理順  
以物戕人于理屈澤有蛇龍山虎狼逢人橫噬矜其強

蠅蚊蟬鼠么麼耳公然作崇真猖狂君方晝夜讀經史  
四物欺君黜不止綠章無路訴天閭廢書長歎憤心起  
我言忌才人亦多蚍蜉撼樹憎則那華元一笑去之夫  
口衆我寡柰爾何

和姜德嫻讀韓愈傳至奉詔宣諭鎮州感賦

黑雲壓陣礮聲急劍戟光中挺身入將軍虎視雄耽耽  
說士垂紳但長揖說士本非儀秦流韓公奉詔來宣猷  
汝曹既知太師義安史籍沒亦知不慷慨數語論成敗  
百萬爪士投弓拜卽日鎮州降表來筆鋒何似舌鋒快  
司馬曾傳諭蜀文南夷西僂皆來賓公之文章貫精氣  
荔園詩續鈔 卷一 十

佛骨且毀况妖氛我今展史百回讀恍若雲開見衡麓  
世間何物段文昌敢以塗鴉相角逐

讀語谿施少峯嵩題沈供奉村女歸寧圖感賦

柳陰環陌風吹衣村女歸寧行步遲相隨夫婿更嫵媚  
右手提筐左抱兒兩家僅隔四五里半年不見勞相思  
今朝一見滿門喜小妹烹茶弟殺雞天氣正晴蠶未浴  
踏青約伴鄰東西沈郎妙畫施君句村景描摹亦絕奇  
人生第一天倫樂我今開卷還嗟咨城中婚媾盡大族  
相攸但計光門楫功名入手挈眷去地北天南任所之  
尺書數載一通問夢裏追歡醒後悲村庄嫁女團頭易

貴戚嫁女會面稀君不見鸞鳳一舉冲霄去何似鴛鴦  
貼水飛

菊花

西風瑟瑟露溥溥獨抱芳心耐歲寒倘與牡丹同候放  
此花知有幾人看

輓鍾箬谿

大源

東海爭傳有半人名流誰不與談文卅年見晚無如我  
數日纔過便哭君

聞訃去時才數日

彈罷廣陵琴絕調叫殘衡

浦雁離羣定知繼嗣能傳業何必珍藏屬左芬

箬谿乏嗣識繼

有女知文墨

荔園詩續鈔

卷一

七

題潘松墅

德星

月下看潮圖

海壖霧松生昏黃語風增鐸聲琅琅遊人看潮早散去  
誰耐夜深衣袂涼松墅胸次吞雲夢離羣獨立來南塘  
潮聲汨汨尖山口倏忽掠岸千丈強陰火潛伏月輪出  
照耀萬頃搖金光此時驪龍珠亦吐雷霆助之爭飛揚  
從來造化最神變聲聲色色皆文章言浮氣水妙會悟  
龍文扛鼎推潘江詩成興酣問海若何日泛查揆銀潢  
海若許君有壯志指日破浪乘風長振衣大笑欲歸去  
回看旭日升樽桑

題東海半人詩鈔

夜讀半人詩擊節復長歎相別四五日頓作遺藁看半  
人僵臥三十載腠理早枯髓已乾縱畱精氣亦無幾又  
復吟苦雕其肝醫謂半人病在肝雕肝  
琢腎聞退之歐陽修句譬諸將盡燭青  
煙斷復續風來又散之消滅自然速所幸鑄成幾卷詩  
畱與故人含淚讀我讀詩君知否就使名傳千載後不  
抵生前一杯酒

讀史偶感十首

斬蛇赤帝動天文芒碭先開五色雲海上求仙徐福在  
早應傳信瀉池君

田橫誓死羞臣漢五百英雄盡殉之惟底項王氣蓋世

荔園詩續鈔

卷一

三

從亡只有一虞姬

叔世爭誇羅織經試將文帝作儀型緹縈身後應成佛  
一疏千秋去肉刑

百口生全賴伯仁何嘗告友望知恩但防不密機生害  
豈料三緘亦禍根

一代清談名士風風流傳布到閨中鍾夫人禮看何在  
新婦參軍語太工

燕國才名擅洛陽江山得助大文章滑稽未免招人議

一表區區進鬥羊

炎威赫輓轉頭空何苦刀藏一笑中義府公然黃閣坐

修仙乃有李騰空

青苗新令巧催科況有沙門護法多爭誚萊公無學術  
舒王周禮效如何

東南未闢小朝廷遊豫梁園歲幾經良嶽當年花石滿  
不畱一隙種冬青

議和韋后獨生還二勝空傳腦後環大小眼將軍底處  
天教隻眼看殘山

盈廷痛哭達宸聰議禮何人秉至公繼統明明非繼嗣  
千秋畢竟躋張瓊

遊竹林寺

荔園詩續鈔

卷一

三

得偷閑處且陶情看竹禪房趁晚晴畢竟山僧閑勝我  
綠陰滿榻有勳聲

和馬筌谷

錦畱鬚詩

不然畫像笑獼猴

用歐陽紇事

剃面應教作意畱纖草生時

新帶露微雲綴處澹宜秋嬌癡料得從兒挽憎厭何堪  
與婦謀畢竟朱顏猶未改

朱顏易改少年場原唱句

老夫殊愧雪盈頭

頭

雜感七首

人用莫如錢魚用莫如水無錢人不生失水魚則死身  
外卽身內無從分彼此然以物養身亦貴知所止幸免

墮涸轍在沼亦樂只何事慕化鵬掉尾江海裏一生衣食足餘者可已矣胡椒八百石反貽身後累寄語熙攘流回頭鑑象齒

浮身百年內隙駒過甚速得意便休休何必足所欲張筵無不散貪歡繼以燭縱使十日飲飲後誰復續悲從興盡來萬事一轉轂所以古達人無事以爲福

五倫兄弟外綴之以友朋然而道義交亦堪托死生何庸登堂拜呼作胞弟兄夜則共被眠晝則聯袂行究之假氣誼不關真性情一朝黃金盡冷落渝前盟試將醴與水兩味一評衡小人甘以壞君子澹以成

荔園詩續鈔

卷一

十四

幼慧世所羨云自夙根來先天縱然厚亦須加意培古來棟梁器晚達見奇才少年擢科第幾人登上台不見歲寒候唐花爛漫開牡丹最穩重亦與梅爭魁此豈天性然全憑火力催明春問芳信輸彼園中葵佳哉豫章木七年乃呈材

近世論詩格唐宋爭嗣響動矜腹笥豪擣搗事類廣作詩必如此蒸梨失其爽人各有性靈妙在空所仿哀樂鬱乎中筆熟亦能講他人手爪長搔豈著我痒倘爭干載名毋乃作癡想

雞自斷其尾麝自剔其囊利用衆目注身恐罹厥殃文

章小技耳休誇萬丈光美玉價未至韞櫝且深藏  
楚雞冒鳳凰宋石混璠璣紛紛傳至寶嗟哉耳食徒士  
苟盜虛聲一朝氣體殊被服千金裘出入駟馬車或乘  
欵段過踈踏避路隅君子素貧賤休論如不如

歲暮書懷二首

漫誇絳帳設扶風引翼曾無尺寸功名士從來饑畫餅  
壯夫自悔學雕蟲禪能養性參三昧

每晨持誦白衣觀音咒

酒可

消愁強一中

每夕飲酒二盃

共訝駐顏新得訣那知薄醉幾分

紅

宦海榮枯兩判然拋將赤縣換青瓊曾經鑄後休嫌錯

荔園詩續鈔

卷一

五

肯舐丹餘亦證仙百歲光陰催暮景一家生計逼殘年  
侯門爲報兒孫道歸趁冰輪此度圓

抄今年詩藁題後

耽吟任笑老翁癡消遣年光賴有詩竿木逢場仍作戲  
春蠶未死尙抽絲寫將千疊愁中句多在三更枕上時  
一盞寒泉奠東海茫茫何處覓鍾期

每歲底以詩藁商之鍾半人今不勝

伯牙之感

雪窗讀俞霞軒詩藁題後

王母夜宴瑤池觴騎來白鳳參翺翔曉起登樓極目望  
瓊林玉樹環文窗榭榭無煙凍欲僵手展一編誦琅琅

霞軒敬我丈人行每讀其詩旃豎降天女散花步西廂  
妖狐拜月跳北邙昌谷青蓮兩擅長龍涎能和諸般香  
讀之頓覺回春陽打門索債來披猖爲言我有妙文章  
一字一縑價亦昂借以償爾百千強聞者大噱酸難當  
會須除夕重登堂我乃從容出所藏尙有一笏眞金黃  
由他笑罵不以償畱鑄買佛緘諸箱

題青雨

印宣

上人梵葉寫詩圖

龍跳虎臥一枝筆欲落未落意淵默拈花微笑忽大悟  
灑墨有聲風雨疾當年懷素貧無紙種蕉百本取學字  
祇圍貝葉垂婆婆富有紙材封好時青雨習靜萬緣空  
荔園詩續鈔

卷一

十六

菩提樹下傳宗風開堂說法持半偈禪機觸處詩情通  
淨慈寺與聖湖接放眼千潭印一月此時逸興無邊來  
伸紙直書句絡繹碧雲日暮生秋陰松風天半和長唵  
心香一瓣惟呈佛茫茫塵世誰知音

荔園詩續鈔卷二

己卯

海昌張駿信裳

示諸同學

文以氣爲主言浮氣是水氣必導之清短長隨行止欲  
肆務先醇昌黎曾授旨近日號能文動輒炫經史經史  
非不佳剪裁憑妙指柰注古帝堯數衍百番紙問題眞  
消息茫然無些子譬之有寒疾豬苓服卽起恃有紫團  
葎濃煎服不已遂使陰陽沴駸駸入骨髓悔後求扁鵲  
扁鵲亦無技清氣得來難文理一醫理我願操觚者卻  
疾慎厥始先生無他長一譬而已矣

荔園詩續鈔

卷二

一

和施少峯題鍾馗抉鬼眼圖

終南進士雙肩聳鬼錄三千一身總宮庭何地敢憑妖  
隻手擒之有餘勇藍袍錦帶吉莫靴電光直射鬼眼孔  
罔象之珠先抉取便解全牛頂至踵羣魔遁逃無一甬  
鬱壘虛名可裁冗至尊含笑褒殊勳詔下圖形遍供奉  
自從道子創粉本後來摹倣馬麟與董旭至今怒氣尙  
未消颯颯寒風毛髮動可惜生逢巨眼兒唐明皇呼安祿山爲巨眼兒  
不早一抉俾遺種坐使馬鬼歸不得血污遊魂剩孤

冢千秋金鑑試窺看痛哭雨鈴日盡塵

楊花篇

江南楊柳夾官道十里五里綠陰繞年年三月作花飛  
一片朦朧亂昏曉誰家寶馬冶遊郎何處香車窈窕  
寶馬香車還繫樹更汎樓船酌羽觴和煙拂過班姬扇  
如雪糝遍郇公膳此時行樂愛雙飛燕尾涎涎日相見  
萬里封侯慕黃鵠十年獨宿悲紫鷺黃鵠紫鷺各一處  
西飄東泊似柳絮朝來把酒祝東風願化浮萍相伴去  
浮萍浪跡終無緣破鏡何時飛上天靈根化作月中桂  
萬古千秋圓復圓

讀柳子厚擬離騷文

仕宦遇急流勇退尙恐後一朝墮文網下石孰援手叔

荔園詩續鈔

卷二

二

文黨禍連最苦者子厚牂牁瘴霧深竄斥日何久作賦  
祖湘纍語語自懲咎莫以反離騷漫與子雲耦然而急  
難中慷慨思救友我躬不遑恤易播甘讓柳天亦鑒其  
衷善全友之母寥寥宇宙間此事豈常有一片熱肝腸  
酬者昌黎叟豐碑銘羅池千載神明壽荔丹兮蕉黃招  
魂魄來否

夢食筍

我齒六年前猶能截硬餅一病幾逝矣齒落竟淨盡筍  
乃向所嗜脍舍環竹影飽餐日數束窮奢不知警今參  
玉版師恍被當頭打嘗新稍進之觸喉出哇猛瞽者不

忘視夢啖片時幸可惜但神交饑涎醒自忍讓彼利齒  
兒茹剛不怕鯁萬事盡輸人何必計一筭

題周耕厓

廣業

種松遺照應令嗣蘭江

勳常屬

洛塘之西一老屋蜿蜒喬松半天綠中有伊人坐擁書  
怒濤聲和呶唔讀剛日讀史柔日經五官並用何嘗停  
撥科妙藝踵伯氏

謂令兄存齋先生

傳誦榜前人盡驚後來裏

硯走湖海倒屣鉅公及名宰十餘年著等身書書畫船  
小不能載經生多壽古有之伏勝轅固皆期頤胡然種  
松鱗未老紫府召君擲筆歸君家兄弟我畏友憶昔登  
堂拜阿母竭來葦屋感山邱拭目紀羣祝昌後披圖鐵  
荔園詩續鈔

卷二

三

幹撐晴空好夢應符十八公想君魂魄猶戀此捲茅何  
必嗟秋風

鹽齋菜和鯉舫

春韭秋菘浪得名禦冬旨蓄費經營糝來鹽豉饒酸味  
嚼出宮商有脆聲齋白題碑傳孝女冰壺作賦紀先生  
布衣暖後書堪讀清福須知屬菜羹

送春二首

九十韶光最可嬉等閒物換又星移花彈別淚紅千點  
柳綰離魂綠一絲好景從來難久住迎時原識有歸期  
繁華是處邯鄲夢喚醒尋春杜牧之

婪尾手持酒一杯欲舒懷抱試登臺卽看花事慙慙了  
莫恨鵑嘯故故催別竟無言何處去送還有約早回來  
閨年喜報迎春近彈指今冬笑口開

施少峯畫扇見贈次其集中題王西谿墨竹詩韻

以謝

少峯胸孕渭川竹小隱平生志邱壑繪事精能世所珍  
贈來一筴抵千幅石田茅屋樹朦朧宛然置我煙霞中  
傳觀一一遍羣手令我不得搖清風荆關古法近已少  
況乃題句更堪寶我于詩畫鮮知味然遇江瑤亦覺好  
從來高尚超等倫障面聊避元規塵先生紀哀出至性

荔園詩續鈔

卷二

四

少峯有紀哀詩卷  
名人題跋甚多

文章流露傳其眞何當並坐鼓秦瑟

分取生花夢中筆經年搜索報瓊瑤手寫巴歛寄相質

書懷二首

除書一覽道心收子羽爲文自責頭老我釣魚歸笠澤  
看人騎鶴上揚州枕邊藏草空懷夢階下栽花不療愁  
卻羨少陵能作達詩成嘯傲寄滄洲

批風抹月愧生涯恂恍精神事事乖客晤幾回還問姓  
書翻半晌便忘懷筆鋒用久頭全禿蔗味餐完尾不佳  
安得江湖作閒散百錢拄杖曳芒鞋

羅浮蝶蘭歌

羅浮洞產鳳車大聞是麻姑衣所化千絲萬縷作蛹胎  
倒挂樹頭牢不卸樵夫探得贈商旅三百青蚨換一箇  
錦函珍貯來遠方吹暖薰風爾忽破兩翅翩翩五色雲  
孔雀尾開舞上下梁間紫燕暗若驚花下黃蜂避亦怕  
分付家僮箔勿捲防他歸作仙人駕嗟哉玩物濟何事  
空仗文章炫聲價春蠶辛苦歷三眠到了三盆繭被炙  
蕘音君不見衣被錦繡遍人間名實兩般孰眞假

雨雹爲災紀異

五百年蜃欲出土裂縫隆隆響如鼓天樹之敵遣老龍  
乘其一出驟風雨蜃歎烈焰與龍鬥非雹不足禦其侮

荔園詩續鈔

卷二

五

壯哉冰雹車輪同砵磅打屋瓦飛舞今年豆麥占大熟  
篝滿定應豚蹠祝況乃條桑蠶正眠分繭稱絲效可卜  
倏然一陣捲空來千畝萬畝無寸綠奇事驚倒百歲翁  
雞犬無聲但聞哭我勸村農且勿悲天災流行偶遇之  
豐歉歲功一轉轂萬物終荷皇天慈但願稻田秧遍插  
五龍治水能及時香秔炊飯秫釀酒賽社歸去皆熙熙

和鯉舫乞巧詞

我笑巧言者創造奇字作符命我笑巧宦者隱遁終南  
作捷徑渾沌日鑿日益新名場利藪無一眞天孫正惱  
人鑽刺肯把金鍼度與人昔者驪山姥作鍼磨以杵萬

事亦何難功淡拙可補有志移山山竟移愚公之言不  
我欺

書楊忠愍公宜人張乞代夫死疏後

忠愍肝膽堅于鐵鍊以洪鑪不能折明知膏腴百倍鸞  
誓報主恩一腔血十罪五姦夜草疏神職空中皆已裂  
果然一奏犯天威狐假其威示顯罰可憐日日受籠籠  
臂肉剜空但見骨宜人聞信腸寸斷戴盆安能望日月  
殲我良人贖以身願效緹縈叩北闕哀哀作疏手親寫  
一字一淚一嗚咽誰知虎豹守天門主聽雖聰柰隔絕  
風吹柳鎖香滿城一霎忠魂竟永訣公之浩氣塞天地  
荔園詩續鈔卷二

六

水陸道場歌

黑雲淪淪黯林麓懸帛大招一竿竹揮霍千金開道場  
何處豪門作水陸法螺吹出旃檀香驚沙撲面鐙無光  
大師高座一叱吒新鬼舊鬼來十方甘露灑去皆膏澤  
一粒擔歸當一石此時功德大無量普度千魂與萬魄  
我聞地獄卽眼前啞童盲叟多乞憐柰何熟視若無覩  
一文不破皮囊慳從古陰陽無二理未能知生焉知死

勸君分取布施錢西方聖人亦歡喜

高麗參歌

長白山古發祥地產紫團葎應王氣夜半如人宅後呼  
得而服之壽可致近來偷種遍高麗三楹無異異香味  
商居奇貨孰詆欺數百換金價不貳富兒病中貧兒身  
一見寫方愁殺人醫云此是不死藥遑問爾家富與貧  
勉供一劑復一劑沸煎聲裏還唵呻昔有人患腹心疾  
夢中方授紅裳神一丸萊菔霍然起藥果對症何須珍  
世情貴假不貴真萊菔十枚錢一文

和曹桐石

宗載

醉後放歌卽題東山樓詩集

荔園詩續鈔

卷二

七

幽人展卷高聲讀金石鏗鏘出茆屋詩情磅礴鬱未舒  
以酒澆之生芒角昔者髯蘇不解飲三蕉葉盡已酣足  
及其與友訂拍浮便擬船中載萬斛乃知酒是釣詩鉤  
顛倒淋漓興更適我亦量低不盡器慕蘇豪放營糟邱  
所嗟負郭少風景四美二難那得併把盞問花不覺春  
舉觴對月亦孤影聞君小隱鵑湖東脫巾自漉眞珠紅  
踞轉劉伶醉眠石劉伶醉眠石在峽川見東山詩集註長歌漁唱迴谿風  
集中有鵑湖漁唱百首擬權扁舟載酒具相于唵弄青芙蓉但恐  
富貴逼人起安能久住東山中

排衙石

鳳凰山從天目來羣峯簇簇青崔嵬龍蟠自昔鍾王氣  
天遣五丁重劈開錢王幼時窺石鏡照見垂旒窃自慶  
後來保障大江南臺築拜郊功最盛建牙列第稱官家  
疏泉鑿磴開金沙大聲叱石石盡起一一拱立如排衙  
迴殊良嶽營汴日花石之綱瘁民力四十神州權獨操  
三千強弩勇誰匹錦袍玉帶眞英雄一樹一石皆衣紅  
石不能言亦聽令儼然說法陪生公嗚呼秦皇繫纜規  
模小圓澤三生精氣杳何如此石鎮崇椒若礪千秋忠  
可表

課僮種菜

荔園詩續鈔

卷二

八

環堵舊草堂奇零有隙地竊學東坡翁半畝種蔬菜僮  
約不煩苛餘功課樹藝分秧四五日得雨爭蔥翠曳杖  
時流覽滿目盡生意小摘佐午餐不必謀諸肆萬事出  
辛苦享之覺有味庭內鶉尙懸牆頭酒可遞友肯惠然  
來剪韭及此際

掃地

數月一歸家滿庭積荒穢居然享千金敝帚竟高置貧  
女好梳頭貧家淨掃地東坡名論在淡得齊家義我今  
幼幼儀灑掃躬親試羞爲障籠態偶作承蜩勢欸門有  
客來勸我盍休憩我云此折腰不比迎大吏

古鏡

紛紛徵逐軟塵中  
嘖笑何緣見古風  
相對依然真面目  
世間惟有一青銅

題曹熙恬左右修竹圖

曹君住市如住山  
飄然高寄蓬萊班  
我未見君先見畫  
恍然相對清涼界  
碧雲堆裏跌雙足  
左之右之無非竹  
定知嘯作鸞鳳聲  
驚落巖花滿書屋  
竹林雅會曾開筵  
北山才藻雄羣賢  
今將捧檄羊城去  
報信此後傳平安  
圖爲朱北山刺史屬  
題時將赴任德慶手攜此照屬題句已覺珠璣羅眼

前矮人觀場學衆笑  
綴語聊當通名箋  
他時訪竹兼訪  
荔園詩續鈔

主分付山僮休掩關

暑窗遣懷

盟蘭書館綠陰環  
隨意雙扉闢與關  
信筆文章談笑裏  
忘懷家事啞聾間  
人無可贊聊稱壽  
天亦相憐特與閒  
最好黃昏新月上  
乘涼重話恬蒼山

仍懋來  
館肄業

書眠

長日門庭雀可羅  
一番遊興付南柯  
何曾弟子嘲師懶  
自笑將軍負腹多  
裊榻茶煙千縷細  
跳珠荷雨幾聲過  
滿懷天趣無從寄  
聊把新詩擊節歌

夢周存齋 大業 同年

存齋歿已三十載如此良朋那得再昂藏八尺氣吐虹  
夢裏相逢宛然在當時挾策都門遊寓則對榻歸同舟  
知無不言言必盡古之直諒今猶畱後來冷宦隔兩地  
赴音一覽日日淚一盞未澆宿草墳數行尙寶手書字  
近來文士爭新奇厭看贅叟非時宜當面輸心背面笑  
縱有肝膽披向誰天生我輩何鍾情情之所鍾半友生  
牀頭鼠鬥夢忽驚猶見空梁月色明

鯉舫表弟見詢初度之期口占答之二首

正夢羲皇與古謀何來尺素問春秋卑無高論休饒舌

荔園詩續鈔

卷二

十

諱莫如淡急掉頭舊日蘇程稱永好他年禽尙訂同遊  
幸邀造物猶閒健此外浮文一筆句

做啞妝龔杖不扶每逢佳節飲屠蘇萊衣學舞親何在

洛社修盟影亦孤

計歸家七年老友故者八人

米欠晨炊憐婦巧書

堪夜讀柰兒愚聰明且望孫成立未識天年假我無

和鯉舫西湖懷古二首

錢塘景勝汴京多腦後環誰諷九哥功敗十年虛汗血  
獄成三字起風波牌緣矯詔金奚貴像要包羞鐵不磨  
幾許英雄同一哭騎驢忍向岳墳過

排當尙樂小朝廷瓦解樊城諫不聽蟋蟀平章慙相業

鳳皇形勢負山靈  
運移南渡紅羊劫  
潮退西興白雁經  
唱去杭州歌嬾嬾  
木棉菴裏夢初醒

和鯉舫姑蘇懷古二首

憶昔楓橋趁客船  
興亡吳越話當年  
英雄氣短曾嘗糞  
兒女情淡尙采蓮  
三策不容畱稻蟹  
五湖那得訪神仙  
何如來聽生公法  
夜半鐘聲了萬緣

狐埋狐搨兩無功  
得失須參塞上翁  
檟墓一坏經劫燒  
梧宮幾度換秋風  
投江空逐濤聲壯  
試石誰誇劍氣雄  
剩與遊人賞煙景  
鐙船夜夜蕩湖中

精忠栢圖歌得栢字爲范正庸司理賦

荔園詩續鈔

卷二

七

我聞孔明廟栢二千尺  
君臣際會增愛惜  
又聞萊公庭栢數十圍  
父老撫摩緬遺澤  
此皆盡瘁心抒丹  
未及艱貞血染碧  
不見臨安古蹟奇  
西曹園土一僵栢  
當年破敵岳家軍  
撼山容易陣難突  
義旗所到壺漿迎  
指顧蒙塵可復辟  
十年之功敗一旦  
泣奉金牌恠咄咄  
三字獄成灾切身  
四字忠銘淡入骨  
由來正直通造化  
栢亦有靈竭膏液  
借作龍騎上  
愬天人耶栢耶  
一時歿一坏假竈賈宜人  
誰向甘棠話  
召伯後來改葬  
西湖濱  
冢樹南枝護陰宅  
六陵畢竟悲冬青  
此栢幽芳乃勃發  
柯撐皦日如揮戈  
皮裂雄風若裹革  
浩然之氣塞兩間  
大樹將

軍共標格兀立到今七百年過者人人拜遺迹回看遺  
臭檜分屍痛詆玩柑怒衝髮卓哉吳郡范司理慨慕忠  
魂弔樹魄發以石欄銅以鋼揣摩尺寸勒諸碣不嫌紙  
貴揚萬張要附金陀表精白當暑贈我歲寒圖招取涼  
廳繞几席朝朝手藝旃檀香彷彿楓人立殘月

哭鯉舫表弟并唁表弟婦姜德嫺表姪應韶

鳳儀

二首

勿替桃源誦祖芬纏身坎塲總談文蠶桑力瘁愁春晚  
句讀功多耐夜分生不能援常愧我歿而衡品孰如君  
傷心風雨重陽候望斷西樓一片雲

荔園詩續鈔

卷二

三

數十年來樂侶隨房中雅奏互相師那堪別鶴離鸞曲  
無復唵風弄月時衾殮黔婁惟守正謚商柳下豈嫌私  
瀧岡他日成先志還望慈懷好護持

少時與俞漱園唱和甚多曾有幽興一絕漱園愛  
之今尙唵誦惜其刻集遺去因爲補錄復綴一

絕

西風吹散嶺頭雲紅樹青蘿媚晚晴寫罷黃庭茶未熟  
隔牆鳥語變春聲

舊作

平生詩思似閒雲出岫何嘗論雨晴不料韓娥今老去  
人間猶記遶梁聲

十月初六日恭逢

皇上下旬萬壽邑中紳士設壇安國禪院誦經釐祝

駿

隨班行禮紀事二首

嵩呼率土仰巍巍海上名山壽寓開

安國寺鎮海上名  
山四字為蘇學士

書一朶紅雲皆北向九霄紫氣自東來散花欲仗諸天

力偃草將酬化雨培最好菊英呈瑞象 御袍黃映誦

經臺

鍾桂巖新得萬壽菊層層挺秀  
獨冠羣芳洵瑞草也移置經壇

華祝聲兼梵唄聲隨班趨走亦邀榮借來薄笨常遲到  
贖取朝衫未熨平十部歌催春色暖萬家銜接曙光明

陶然既醉堯樽酒有夢還應遶鳳城

荔園詩續鈔

卷二

十三

楊妃菊和景陶

菊品中推第一流楊妃擅號最溫柔籬東盡愛新妝好  
亭北誰知舊種畱變態頓看飛燕瘦返魂又值海棠秋  
憐他也是宮人草慎勿攀來插滿頭

鏡花

無邊妖豔此中藏忽現團團頂上光簪去宛如臨水影  
弄來那得滿衣香散花會裏皆空相照膽臺前鼓色荒  
蝶戀不知身是夢一番喚醒賴蒙莊

敝裘

朝來蔽體夜和眠賴爾相依數十年補綴千針渾似衲

模糊一片竟成瓊飾觀那得侔狐腋禦冷猶堪抵木棉  
休問綿袍誰脫贈此生曾不受人憐

洗視歌示兒汝翼

上林作賦不逢薦連歲客遊跡亦倦一硯隨侍如蒼頭  
風塵亦改舊時面憐他本是陰山璞洗以清泉拭以絹  
頓令鸚眼豁然開作作有芒紫氣現等閒碧海掣鯨魚  
點竄時文日百遍咄嗟路鬼解笑人文章日多價日賤  
我生素無田負郭筆耕舌織且從便但能機杼成一家  
肯以大慙博衆羨檐花細雨動春酌老子于此興不淺  
坐待監河送米來勿爲斷炊鬻我硯

荔園詩續鈔

卷二

十四

檢書志感

我家貯書百千軸半是祖遺半手錄雖非饜飮同八珍  
亦可療饑抵菽粟自從束髮迄方壯暮覽朝披足清福  
卅年冷宦淡山中歸來茆屋嗟秋風豈知神物亦化去  
顧厨啟鑰皆空空其餘存者什之一彫殘鼠跡蛛塵蒙  
從茲娛老謝雙眼一瓶告借誰適從我聞松靄師嗜書  
如李邕生前展玩環左右身後拋散隨西東我今未死  
尙如此死後光景可知矣傳家本乏金滿籩且拾遺編  
付孫子他年能讀不能讀萬事茫茫那可擬詩成擲筆  
枕書眠霜月橫窗冷于水

除夕

先容拜罷撤筵時  
高爇銅盤燭一枝  
欲炙垂涎孫待久  
調羹洗手婦來遲  
浮生那得皆如願  
行樂何妨學買癡  
買癡見范石湖詩  
我醉卽眠眠亦醒  
非關守歲爲敲詩

荔園詩續鈔

卷二

五

荔園詩續鈔卷二



05076

